

أغانى على حدود الوجد

شعر

منى المنير

دار البشير
للثقافة والعلم



اسم الكتاب: أغاني على حدود الوجود
التأليف: مني المنير
موضوع الكتاب: شعر
عدد الصفحات: 96
عدد الملازم: 6
مقاس الكتاب: 14 × 20
عدد الطبعات: الطبعة الأولى
الإيداع القانوني: 2014/2839
I.S.B.N.978/977/278/418/8 : الترخيم الدولي
الصف التصويري: الندي للتجهيزات الفنية
التوزيع والنشر

مصر

دار البشير للثقافة والعلوم

darelbasheeralla@gmail.com

ت : 01152806533 - 01012355714

جميع الحقوق محفوظة

يُمنع طبع هذا الكتاب أو جزء منه بكل طرق الطبع ،
والتصوير، والنقل، والترجمة، والتسجيل المرئي
والمسموع والحاسوبي ، وغيرها من الحقوق إلا بإذن
خطي من :

1436 هـ
2015 م

دار البشير للثقافة والعلوم
بسم الله الرحمن الرحيم

الإهداء

إهداء إلى ساعات الوجد ..
وكل الذكريات المؤلمة ..
شكرًا فقد كنتم النبع الذي شربت
منه فقواني وشد عودي ومنحني
القدرة والمواجهة والثبات لباقي العمر



حرف سَكِينَة

وطن..
 وفيه كلنا
 والقلب له مسكن
 يا وطنًا يا صابر
 ضم الضنا مقابر
 والفرح مش خابر
 سكة لوادينا
 ولفين مودينا
 يا سارق الأوطان
 رايح وجاي بينا
 على حرف سَكِينَة
 شريان أيادينا
 مفتوح بقالنا زمان
 ينزف وبيسر سب
 ولا حد بيضطرب
 واللى قالوا لنا طبيب
 قَطَّع باقي الشريان
 لكن يا وطني... هعيش
 وانفش بواقي الریش
 مهما يقولونا مفیش

الخير ده جوانا
الخير ف دعوة أم
وف أب قلبه يضم
أو شاب متربى
ع الطيبة والتقوى
وبلادنا بيه تقوى
وتعلي ف البنيان
ما هم قالولنا زمان
الأصل دا غالب
والمصري مش طالب
غير عيشة بكرامة
ما هو واد نبيل وأصيل
لو مرة بلده تميل
بدراعه يعدلها
يسندها ويشيلها
وتعيشي يا غالية
فوق الجميع عالية
وتعيشي يا مصرنا
والبسمة ف عيونك
والبسمة ف عيونك

أصل

وليه نحزن!
 وليه نقفل شبايكنا..
 في حكمة تفوق مداركنا
 ورب الكون مدبرها
 ودا لو خير
 هتلقاه جاي على بابك
 هيتشعبط على تيابك
 بدون أسباب



عيلة

سلام رقيق محسوس
 رشرش على بيتنا
 والدمع لو مرصوص
 نمحيه بلمتنا
 هتشيله إيد الأم
 وقلوب كثير بتضم
 والأب لو يهتم
 بيكون حيطان الصد
 كل الهموم تتهد
 من غير سؤال أو رد
 يجري عليك و أوام
 راح يعدل الأيام
 ويشيل تقيل شيلتك
 ما هي دي يا واد عيلتك
 ساعة العوز تتلم
 دمك لأهله يحن
 تضحك بيان السن
 تصغر كثير ف السن
 يبجي العزول و يسن
 عينه مع سنانه
 نفسه يشوف دمك

يا ابني الإله سامعك
 ارفع أيديك الاتنين
 وادعي وكون له أمين
 يكفينا شر العين
 ويخلي لمتنا
 ويديم محبتنا
 نور الرضا ف بيتنا
 و ف مصر والسامعين

قطع خيوط الشرنقة

قطع خيوط الشرنقة
 قطع وطل هتلقى نور
 قطع بلاش ف الغيم تدور
 دا الشمس واضحة حتى بص....

غريبة

تعيش مخدوع
وبإرادتك
يا أعمى فوق دا من خيبتك
ما فيش ع الأرض حد ملاك
ولو دورت..
هنا و هناك
هتلقى ناس قلوبها هلاك
ولابسة توب من الطيبة

قرار

ما تز علشي
 دا مهما دامت الضلمة..
 هتيجي الشمس تمحيها
 وممكن تلقى إيد حانية
 بشمعة تفرحك بيها
 مفاجأة..صح؟
 لكن مش صح
 بإنك كل يوم الصبح
 بتنقل شبايبك
 تعيش مسجون داخل ضيقك
 وتمشي تلف منحنيات
 تلف ف دايرة م الآهات
 وتندب حظك اللي خان
 و ناس ماشيين كما العميان
 طابور مربوط بحبل الذل
 طابور ساحبه إمام مختل
 ولو نور الحقيقة يهل
 يغموا بسرعة ف عنيهم
 يشدوا الحبل ف إيديهم
 يتبتوا فيه..

و طيب ليه؟..
 تكون منهم
 دا عيشتك لو ماليها المر
 بايدك حَلِي في مرارك
 كفايه إنك أنت اخترت
 ما فيش ظالم بيشرط شرط
 و بيقولك تعيش إزاي
 وبيحدد تموت إزاي
 كما المملوك
 تعالى و عيش كما الأحرار
 عليك تختار
 يا تربط حبله ف رقبتك
 يا إما تكون كما الإعصار
 على الدنيا
 تغير وشها ف ثانية
 تهد قصورهم الفانية

.....
 أوام تنهار
 ساعة ما تقوم تواجههم
 ويبقى قرار.

وردة

فتحي يا وردة.....
 واوعي تقفلي
 بطلي المناهدة.....
 قلبي مش خلي
 فتحي وهاتي لى...
 نسمة حنينة
 وتعدي يوماتي
 ف بيوت حينا
 تسعد الحزين..
 تمسك الإيدين
 وتضح السعادة
 جوا الشرايين
 فتحي جمالك
 خلي حالنا حالك
 جوا قلوبنا بهجة
 مغزولة بخيالك
 فتحي كفاية..
 دمع الكون بحور
 سيل ما لوش نهاية
 بيهد أقوى سور
 والقلوب حزينة
 والفرح ف واديننا

زي شىء خرافي
 والأراضي بور
 من زمان يا وردة
 واحنا مجروحين
 جه الأوان يا وردة
 يفرح الحزين
 فتحي يا وردة
 وفرحى السجين

هموم

القلب شايل م الهموم ألوان
 بس ببياضه عمره ما اتعكّر
 والشكوى تحرم إلا للرحمن
 ومين لغيره اشتكى ..
 بكره هيتحسّر
 هوا اللي يمحي الألم
 والظلم والأحزان
 لو تلتجىء لحماه
 لو.....بس تستغفر

نصيحة

صاحبت الألم ورَوَّضْتُهُ -
 ما أنا غلطانة لو سبته
 يكون حاكم
 حياتنا شروق وبعده غروب
 و قلبي لو يبات مغلوب
 أهو أحسن من اللي يبات كده ظالم
 كثير أحلام بتتحقق
 ما دام واثق وبتصدق
 و للرحمن تروح تلجأ
 ما هوا القادر العالم
 لكن فاضل عتاب واحد
 با أقوله للي ماشى في وسط الناس
 بيسقيهم مرار الكاس
 أقول له بس: خد بالك ..
 ده كله بيكتبه الحراس
 و ظلمك لينا مش دايم
 قلوب الناس ماليها الخير
 تدور راح تلاقي كثير
 يحاوطوك لو .. وقعت كسير
 و ترجع وسطنا .. سالم

يارب تكون بقى فاهم .

oboiikan.com

ليه؟!!

وليه دايمًا...
يا مصر تسيل
دمانا واحنا بنحرر
إيديكي من... قيود الذل؟
وليه لازم عشان نرفع
جبينك .. عينا ليه تطلع
نفارق كل غالي و خل؟
وليه الناس
بتبدر .. شر؟
قلوبهم ليه ماليها الغل؟
وناوين ليه يزيدوا الكسر
ف قلوبنا
وليه الورد
يا غالية بيتكفن
أهين يا دم يا سايل فى نهر النيل
مسيرك يوم ..
هتطرح يوم زهور ونخيل
وهتضل على بلادي
وهتحوط على ولادي

وتفضل مصر ست الكل
وهيدندن لها الموال
وساعتها..
مايفضلشى فى حياتنا سؤال.

يا رب

يا سابل سترك اهدينا
 تاهت منا خطاونا
 مابين ممنوع وبين مسموح
 نلاقي الذنب فين ما نروح
 بيتجمل..
 ويتزين..
 ومادد ايده لإيدينا
 يا سابل سترك استرها
 وصبرنا وعدلها
 وخلي التقوى والإيمان
 تقوي النفس ع الشيطان
 وكل وضوء...نطهرها
 من الأدران
 رحيم رحمن

عزة

ماشى الطريق وحدي
 ورامى حملي ع الرحمن
 وزادي م القليل يكفي

أنا دائماً أبات شبعان
وما دمت أنا راضي
وإيماني دا زوادي
وحتى جيبي ولو فاضي
ده عمرى ما انحني لإنسان

مصر

طرزت روعي من نسيم ليك
 حتى الغيطان حاكيالي مواويلك
 والنجمة صاحبة معشقة ف نيك
 من يوم ما شفتك صرت م المردين
 جربت أبعد قلت هانساكي
 لقيتني ناسي قلبي وياكي
 أصل الحقيقة إن أنا...
 فطموني بهواكي

ماراثون

اجري يا وحش
 اجري ما دام سحرك ما نفعش

ولا سهوكتك
 ولا نحنحتك
 اجري وجري معاك العرش
 سيبك م اللي بايت جوعان
 واللي النور عنده طفشان
 واللي الميه قاطعة ف بيته
 سيبك م اللي تحت الكوبري
 نايم قايم دمعته بيجري
 سيبك م اللي اتمرط بدري
 علشان لقمة
 مسح الجزمة
 وعشان عيلته وفر قرش
 سيبك من خريج الجامعة
 وشهادته ع الحيط مش نافعة
 لا هو عارف يصرف على نفسه
 ولا عارف يسكنه ف شقة
 سيبك... عربد
 تلقى كتير لجنابك يسجد
 إنت و شعبك اللي انتخبك
 بس هاقولك..
 كلمه ف ودنك
 عمر بلادي ما كانت مالك
 ولا أراضيهما كانت أطيانك
 جاية الثورة ومش هتسيب

جاية الثورة تهز العرش
وتزلزل أركان الغش
جاية وجاي معاها طوفان
هيجرف ظلم الأوطان
من أمثالك
واللي ظلمنا يبقى اختار
قرب هلاكه

قلبي انفطر

قلبي على مصر انفطر
 وقلبهم زي الحجر
 كل أما تيجي تتعدل
 يكعلوها تتعتر
 كل أما ينشف دمعها
 بيموتولها كام نفر
 تيجي تطبطب ع الجدع
 تلقاه من القهر انتحر
 حلم الولاد ترجع لهم
 وتمد إيدها تضمهم وقت الخطر
 فيرددوا قلبي على مصر انفطر
 وقلبها برضه انفطر

ونتلمم

وبنجمع بواقي اللحم
 وننفض غبرة الأيام
 وبنفتح شبايكنا

وبنخلص معاركنا
مع أول نسيم الصباح
ترفرف روحنا و تسيبنا
تطير وياه
تدوب جواه
وتطلع للسما السابعة
وفجأة لحضننا راجعة
ببإقة فل
وحبة ورد م النادي
وقلب جديد كده هادي
وعود ياسمين
وللغاليين
شوية حب م المخصوص
ورغم الحزن كان مرصوص
بحبة طيبة يتبدد
بيتهرب.. بعيد يبعد
وضحكة سن نونو جميل
تخلي الفرح بيحي يميل
على بيتنا
على الشارع .. على الجيران
وروح يا حزن
فارقنا
ما عادشي ليك ما بينا مكان
كفاية.... فارق الأوطان

و فارقنا

و بتضلّم... تسد نفّسنا

تخفقنا

و نتألّم...

ويجرح دمعنا خدودنا

مفيش منفذ

يدخل لو شعاع واحد

وروحنا خلاص بنتأخذ

لكن رحمة إله الكون

تطبّطب ع الفؤاد وتكون

كما البلسم

ونتبسم...

ونحمد له كثير فضله

ونشكر له عظيم ستره

دموع الفرحة تسجد له

تداوي كل أحراننا..

تداوي كل أحراننا

oboiikan.com

سكوت

وحتى الصمت كان مبهر
 وبسكوته كسر أصنام
 ماهو المصري أكيد يقدر
 بإيده يحقق الأحلام
 بإيده يشق كل ضلام
 وقوم يا مصري واتحرر
 دي مصر الغالية تستنظر
 وشايفة الفرحة جوا عنيك
 وإيد الكل ماسكة إيديك
 طوفان هادر
 يزبح الخاين الغادر
 وينهى حكايته م الآخر
 ونحكيها ف كل زمان
 قصاصد الغاوى للسلطان
 نصيحة جوه وجدانه
 ما عادشي الظلم دا أوانه
 وهوه صحيح كده ينفع
 بلادنا الحلوة تتوزع
 ولادها يعيشوا متخاصمين
 وطيب مين

يصالحهم؟
ومين ف الأزيمة ينصفهم
ياريت فى الحق نتعاون
ونزرع شتلة الياسمين على بيوتنا
ونتمتع بعطر الحب فى قلوبنا

شعاع شمس

شفتق شعاع الشمس
 قالي كلام كالمس
 بلدى خلاص هتزيح
 كافة أعاديها
 مصر الجميلة تقول
 كلمة تهز عقول
 يقف العدو مذهول
 ويخاف يعديها
 مصر الأمل والخير
 والمصري أصله أمير
 لما مراكبه تسيير
 بالنور يوضيها
 وانا مهما أقول ما اشبعش
 وإزاي يا ناس ما اعشقتش
 قلبي يوزع بس
 الخير ويرضيها

oboiikan.com

حر

حلو الكلام خداع
كم حق لجله ضاع
والشخص لو متباع
هيبيع أبوه وأمه
والحر ما يبعشي
بلده ولو بالذهب
قول الكلام بالأدب
بانة كده القصة



شبابيك

لا هتسول
 ولا من طبعي أتحول
 ولا اعرف أشكي وألؤل
 وحقى هجيبه بدراعى
 ماهو الراعى
 إله الكون مقوينى
 ونور قلبى مخلينى
 بامشى وروحى على كفى
 ومش هنفى
 بانى ناوية أنا أنزل
 ودمعى خلاص ما عاد ينزل
 على أحبابى
 ولو بابى
 مضلمها
 راح افتح للضيا شبابيك
 وروحي تحفظك تحميك
 ما انا أصلى
 يا مصرى
 بحب اللى بيعشق مصر

في كل زمان في أيها عصر
هتفضل تاج على جبيني
هواها الحلو يحييني
يرجع روعي تنتسم
وتتبسم
لحد الخير ما هينسم عبيره
يحضن الأوطان
في كل مكان

ورقة وقلم

وساعة ما ألمح قصادي الورق

ألاقي مشاعري ...

بتسبق أيديا..

بتجري ف عروقي

وتعمل سبق..

وأه لو لمحتة قصادي القلم

بتطرح ورودي

ولو م العدم

وتلمع نجومي

وبتقول لي قومي

نزور الجنابين

نشم الزهور

وف ايدينا يطرح

على الدنيا نور

معاه الخيال

وكل الجمال

ماهي الكلمة أصلا

بتروى البحور

وفيها اللآلئ

وفيها اللي غارق

وفيها اللي يحفر
 كلامه الصخور
 وفيها جواهر في بطن المحار
 دي عاوزة لها فاهم وصاحب قرار
 يقول الحقيقة
 بكلمة هيبيني من العز دار
 يلم الحبايب
 وحتى اللي غايب
 هيلقى له مسكن وأهل وعمار
 وأما اللي جار...
 وبالكلمة موت ولادي الصغار
 وزيف وخبي حقايق كتار
 نهايته بكلمة
 شباب مصري قادر
 يرجع بلاده...
 ولو حد ساده
 ما يقبل يكون مع المفترى
 ولا يوطي راسه
 ودائمًا مداسه
 بيطحن دماغ كل من ينتوي
 يهين أي مصري ..
 ومهما يعاقر
 يحاول يصادر
 بكلمة هترجع بلادي عزيزة
 ما هو الحق قادر
 كده الحق قادر

ربك مُطَّلِع للغلبان

تعالى يا واد..
 ف جَلبي حديث
 ف جَلبي وجع..
 أنا اللي عشانك عملت البدع
 سهرت الليالي ضربت الودع
 وجوعت نفسي...
 عشان كان ف نفسي
 أشوفك كما الوحش تحمي البلد
 وياما دعيتيه يجيني الولد
 وكان اشتياجي..
 تيجيلي ولابس ف رجلك ببيادة
 يجولوا البلد عنا إحنا السيادة
 يجولوا دا زين الرباية الأكادة
 وحامي الوطن..
 ودا اللي علينا كريم مؤتمن
 وفرحت جَلبي
 وشفتك يا ولدي
 في جيش الوطن
 وضابط و جندي

ما فيش حد جدي
 تعالى اما اجولك يا واد كلمتين
 يا واد كون لبلدك مَحَافِظ أمين
 ولأءك لوطنك ماهوش لاي حد
 فداه اللي غالي فداه الجسد
 ولو غرجوك فى عز ودهب
 ما تعطي بلادك لمن يستبد
 فاهمنى يا واد؟
 دا رب العباد.. حبيب للغلابة
 وخابر كويس
 ده مين اللي زين .. ومين الديابة
 وشاهد وعارف بكل اللي خافي
 يا ابو الجلب أبيض .. حنين .. وصافي
 يا عاشق بلادك ..
 هواها دا زادك
 يا حامي خواتك ف وقت الخطر
 بإيدك بلادك دي راح تنتصر
 تضوي طريق كله ضلمة وليل
 ووش الزمان العتيق الجميل
 يراجب خطاها
 ويلمع ف عينه ضياها وبهاها
 وترجع عزيزة بولادها وناسها
 وكل اللي خانوا يدوسهم مداسها
 دي مصر الوطن

عميان

ماشيين كما العميان
 ف رقابنا مليون حبل
 قلبي وجعني زمان
 دلوقتي ما لهوش حل
 غير إنه يبقى الدليل
 قطع حبال الذل
 ناوي يعيش إنسان
 لو حتى قالوا.. إختل

هتفرج

واقف بطولي وانا..
 ما املكشي غير توبي
 ساعات يجيني الهنا
 ويكونلي مكتوبي
 و اما ف يوم بانكسر
 و الاقي صاحبي غدر
 دوغري أقوم وأفز
 و أهز حظي هز
 أنا يا عبيط ما ار كعش
 أكسر وما اتكسرش
 رجلي صحیح ع الأرض
 بس الفؤاد طائر..
 بيجيلي و يسافر
 يسبح مع العصافير
 وساعات بيبقى أمير
 الكون يكون عرشه
 الفرح بيرشه
 على كل كل الناس
 ما الفرحة دي عدوى
 للناس بنقلها
 تفضل مواويلها
 ذكرى بتشجينا

يعدل مسار القلب
الروح قوام يتدب
يرجع كإنه شاب
نادي كما الأزهار
يرجع قوي وجبار
ع الظلم والأحزان

نسب

يا اللي نويت النسب
 روح ناسب... الأصلة
 تلقى قلوب من ذهب
 ما يكونوا يوم رُزله
 بنت الأصيل... تحفظك
 وهتفظ العشرة
 تسوى بعقل وأدب
 ومن الرجال... عشرة
 لو غبت يوم عنها
 بيتك يكون... جامع
 على راسها وف قلبها
 تاج العفاف... لامع
 هتسيل تقيل همك
 وتقرّب لها أمك
 كله عشان خاطرك
 ما اللي يحب الجدع
 يعشق طرف طرفه
 ماهو برضه يا ابن الناس
 بنت الأصول دي أساس

لامؤاخذة

الطوه دي... قامت تعجن ف الصبحية
والنفس صافية والطلعة... حلوة بهية
راحت تجيب حبة ميه... م الحنفية
لاقتها فاضية ولا نقطة... منها بتنزل

عسانها ناصحة وبتخزن... ميه ف الزير
قالت خلاص عندي الميه.... وبلاش تبذير
راحت على البقال بدأت... بصباح الخير
جاوبها قال الخير فارق... من عمول

قالتله طب هاتلي يلا... كام كيلو دقيق
قال الصوامع فضوها... فى القلب حريق
على الغيطان اللي بارت ما عادتشي تليق
وبنوها بالطوب الأحمر وانا إيه أعمل؟

راحت على الفرن ووقفيت كده ف الطوابير
عشان تجيب عيش وتفطر ما عيالها كتير
لقيته محروق ومعبي جواه مسامير
قالت نشيلهم ونغمس وبلاش نزل

راحت على الدار لامؤاخذة

تصَحِّي فيهم..دي مناهدة
قالت خلاص خَلِّكوا نايمين
راحت تشوف التليفزيون

* * * *

ما لفتش كهربا موجودة
وصَوَّتت: أيام سودة
ربطت دماغها وجالها صداع
دخلت ونامت ف الأوضة

تاج

ياما قالولنا زمان
 ايش تعمل الماشطة
 ف السحنة لو عكرة؟
 وايش يعمل الفلاح
 ف الأرض لو بايرة؟
 وايش يعمل السفاح
 ف شعوبه لو ثائرة؟
 مهما الضلام عتش
 برضوا الحياة سايرة
 لازم هتطلع شمس
 تمحي ضلام الأمس
 تزرع أمل بكره
 أصل الكفاح فكرة
 نبنت ف قلب شريف
 أما اللي قلبه كفيف
 يفضل ف عز النور
 ماشي كما العميان
 ودي سنة الأزمان
 إن الخسيس لو خان
 لازم ف يوم يتخان
 يفضل دليل متهان
 وف حضرة الرحمن

عمله يكون سابقه
والحسرة في قلبه
نفسه يعود ثاني
ما يكونشي يوم جاني
بس الأوان كان فات
والعفو وقته مات
ده وقت دفع التمن
م الخاين المؤتمن
حني إيديه بالدم
النار بتولع.....
لِمَنْ؟! !!

أخويا

وعدتك يا أخويا أكون لك سند
 ف وش اللي كارهك
 واكون لك مدد
 ولو خيروني بمال أو ذهب
 باسمك يا غالي راح أنطق وأرد
 وعدتك ما هو انت اللي فضلك سبق
 ولو شفت حزني بقلبك ترق
 وتجري عليا ومن غير سبب
 بتاخذ إيديا ويا دي العجب
 يزول كل همي بلمسة إيديك
 ودمعي اللي سايل .. فى لحظة هرب

هتفرج

ضاقت ولما اتخنت
 لفتني بحبالها
 ما عدت لآقي نَفْس
 ودموعي تحلالها
 لكن فؤادي سبق
 الضيقة وحايلها
 بص لإله السما
 ونجومها وجمالها
 ما يوم طلب مرحمة
 م الناس و أفضالها
 فجأة لقيت رحمة....
 على عمري بتمطر
 وملايكة شائلة الهنا
 ف كتابي بتسطر
 افرح يا داعي الإله
 ما هو ربنا أكبر
 م الضيقة والأحزان
 أكبر من السلطان
 واللي بيبات زعلان
 ندعيه وهاتفرج

oboiikan.com

ضنا

القلب لما اتوجع
 داويته باللمة
 طول عمره جد وجدع
 ما وجعني غير لَمَّا
 ضنايا شففته وقع
 راح الفؤاد سما
 عمل عشانه البدع
 وانزاحي يا غمة
 داعياله طول النهار
 داعياله ف الضلمة
 يفضل لعيني النظر
 احميه يا رب البشر
 على طول يكون منتصر
 واجمعنا ف الجنة
 واجمعنا ف الجنة

أمان

قالوا التزم أهلك
 لو تبتعد تهلك
 أمثال قالوها زمان
 حط الغريب ك أهلك
 هيحط على كاهلك

راضيين ..

يكفينا شر العين
 أو شر حسادنا
 وإن قل زوادنا
 على الجميع يتقسم
 أصل الرضا دا اترسم
 جوا قلوب الكل
 يطرح ف ورد وفل
 يملا حياتنا ضل
 يملاها بالفرحة
 والفرح دا بميعاد
 بسمة ف عيون تنقاد
 تفرح ببساطتها
 واللمة حلتها
 ده الفرح لو يتباع
 نجم السما اللماع
 ببيص يتبسم
 نسمة هوا تلملم
 ريحة الورود بينا
 تدعي الإله لينا
 يا رب تنشر سلام
 يسعد أراضينا

oboiikan.com

هنا

داقت نفوسنا الهنا
والنفس طماعة
بعد التعب والضنا
نرتاح ولو ساعة
والساعة مش حظنا
دي الساعة خداعة
لحظة ألم كالسنة
تقتلنا ببراءة
وتقولى ما انتو السبب
عاملانا شماعة

مواجه؟

وليه تكتم نفس طالع
 وبتقلب لي ف مواجه
 وكنت خلاص راح أنساها
 دا كتر الكتمة يا فالج
 ماهيش م الحكمة والصالح
 وساعة الجد تلقاها
 بتتفجر كما الزلزال
 وهوا الظلم برضه حلال؟
 وليه الكلمة تخشاها؟
 يا خايف من ضيا الفكرة
 هتطلع برضه لو بكره
 ما هيش لمبة هتطفئها

يا أمّهُ

يا أمّهُ
 ضاعت خطاوي القلب
 فين التقى لك درب
 يجمعنا لو لحظة
 ترقيني بالكرسي
 وتلممي نفسي
 وتبخري لنا البيت
 يا غالية انا اتمنيت
 نورك يضوي الليل
 يا قصة ف المواويل
 دائماً بتحكيها
 يا روح ما ليها مثيل
 عايش حياتي عليل
 وحشاني يا حبيبة
 يا نبع للطيبة
 ونهر خير وحنان
 فاكر مانيش ناسي
 صبرك علي جناني
 وانا طفل وانا ناني
 يا ضحكتي الحلوة ...
 ولقمتي السخنة
 واللمة ف السهرة ..

ما اللمة كنتي انتي
 والفرحة برضه انتي
 وحتى ف الشدة
 واقفة وبتصدي
 والأزمة بتعدي
 والبسمة على وشك
 وخدودك الوردي
 وحشاني يا أمي
 وحشاني يا ضمة
 وطبطبة إيدك
 حكاويكي ووعودك
 إن اللي جاي أجمل
 ومسيرها تتعدل
 ربك يا واد أعدل
 من كل الناس
 شايفك يا روح الروح
 رغم الفؤاد مدبوح
 شايفك كما الفارس
 شايفك ملاك حارس
 يبعد وبيجلنا
 طائر بيدعيلنا
 والدعوة يا غالية
 هيا اللي باقيه لنا
 هيا اللي باقيه لنا

راضي

انا الراضي بحكم الله
 ماشي ف نوره وراجي رضاه
 لا انا باشكى
 ولا ليا فى كلمة آه
 ولو نقصت معاي مرّة
 ب اكون راضي
 ووسط ظروفك الصعبة
 أنا راضي
 لكن لو حية تتلوى
 على بلادي
 أكون مارد
 أكون الرمح والساعد
 أكون إعمار..
 مع الظلمة أنا جبار
 وأفعضهم كما الصرصار
 دا انا المصري
 أنا اللي كل ما فيا
 فدا بلدي
 أنا المزروع ف أراضيه
 وبالبلدي
 تروح الروح وما اسبيها..

oboiikan.com

أمانة عليكى

طول عمرنا ف صراع
 وبين لقا و وداع
 القلب دمعته بحر
 وانا دمعتي قريبة
 يا مصر يا حبيبة
 لكي ف الزمان هيبة
 صايبة العدا بالقهر
 سكتيني كما الجني
 جمالك دا مجني
 وانا المسحورة ف رحابك
 وشايفة الطيبة ف عيونك
 بتبدر خير على احبابك
 وبسمة روحك الصافية
 ساعة ما تهلي... تأسرني
 أمانة عليكى يا غالية
 تصونى القلب والننى
 تصونى القلب والننى

oboiikan.com

غرقه من كام سنة
 كنتي ناوية لنا الهنا
 كنتي ناوية تبقي جنة
 بالكرامة تضمننا...
 الكرامة... بح ماتت
 والكفن مليون عفن
 ريحته فاحت
 والورود المزروعين من دمنا
 ريحتها راحت
 حتى لونها صار حزين...
 لما شافوا دمعها...
 يضوي ينور خدها..
 قالوا ندى!!!!!!!
 و الفقير مهما نده...
 مافي حد بيسمعه..
 والكروش واقفه بعيد
 لابسه م الوش الجديد
 ويبسألوا.....
 ايه معانا بيوجعه؟
 وليه عنيه بيدمعوا ..
 ليه يبص للقامة داخله ف بقنا
 ونفسه فيها؟
 طول عمره واخذ ع التراب
 ياكل يسف
 عقله ساعات يبقى دماغ...
 وساعات يخف
 يمشي يجري ف الحارات
 يقعد يلف..

صوته مبجوح م النداء
والريق نشف
يزعق ويهتف
اكسروا القيد من ايدينا
عشنا طول العمر دايماً
مش عبيد عند العسس
ليه نكون لعبة ف ايديهم
يكسروها لو تحس
لو هتنتطق أو تقول..
مصر يالاه يا بهية
والعصابة هيه هيه
غيروا بس الوشوش
واللى زود لى المواجع
إن دمي راحفأشوش

أم

وتقهرنى
عرفت أزاي بتكسرني
وإن الفرخ ف إيدك
وأحزائك تدمرني
وإن الضحكة مرهونة
ببسماتك بتأسرني
يا وردة روتها من دمي
وراح افديها بالنني
ولو تطلب كمان مني
حياتيمش خسارة فيك

أنا يا بني غلبت اناديك
حطّ ف قلبي أحزانك
زرعت البهجة عشانك
عشانك بس
خدها وروح ..
يا روح الروح ..
بشوف دمك يحولني كما المدبوح
ينقط دمي باتعذب لكن عمري ما كنت أبوح
لا يبجي الموت يخلصني
و قلبي كله أه وجروح
وانت الغالي يا غالي
يا سندي .. يا كل راسمالي
ما هو أنت العز ..
وانت الوعد بالإنصاف
ولمّا بخاف ..
تحاوطني
معك كل الأمان والسعد
ولو تبعد .. ده بعد الشر
أنا راضية مادام الحب بيننا كبير
هتبقى أمير
على قلبي
وليا الفخر .

متر و نص

ومش هتعب
 هخلي الدنيا تستغرب
 ولو يقرصني ميت عقرب
 دي بخة سمه تحييني
 يناديني
 بصوت خافت مالیه الرعب
 ما تحلمشي خروجك صعب
 ولو حاول كبير أو شاب
 باجيبه بنظرة من عيني
 يسليني
 ويا ظالم
 أنا ف السجن مش خايف
 مادام قابض على ديني
 مؤ عيني
 وقال لي:
 عيش كما الأحرار
 ولو قادوا ف هدومك نار
 حذار ف يوم تكون غدار
 بلادك ندهت احميني
 وإفديني
 ما ليش غيرك يا نور عيني
 تعالي يا حر قويني
 وكسر قيد بيدميني ..
 وانا لبييت

oboiikan.com

حرية

شناب رايحة شناب جاية
 فيران خايقة ومدارية
 وحتة جبنة تشبعهم
 خراية راح تجمعهم
 شوية نور بتوجعهم
 تخوفهم...
 يقولوا عليها جنية
 ومخاوية ...
 ويجروا دوغري ف جحورهم
 يجيبوا عيال وذرية..
 وأما الطير...
 ما يقدرش يعيش ف جحور
 ودايما بالسما مسحور
 يعدي بلاد يعدي بحور
 عشان ما يعيش بحرية
 وبجناحه
 يلاقي اللقمة ملقبة
 ماهوش خدام
 ولا عنده سواد نية
 وعاشق للهوا والضي
 وقلبه سليم
 ضميره حي

تشوفه بعيد وهو جاي
 بتتبسم...
 وعطر كرامة تتنسم
 ولما بصوته بيقسم
 يبص الكون..
 يقف ساكت يكون ممنون
 ويتعلم...
 ولو تعبان بيتألم
 ولو مخروس ما يتكلم
 وراح ينطق...
 ما هو المنطق
 يقول الحر يفضل حر
 ما عمره للقيود يعشق
 ولما يشوفه يوم مظلوم
 ده فيه دو غري بيتشعلق
 دموعها تصب تترقرق
 ويهتف صوتها للمسجون
 حرية .. حرية .
 حرية .. حرية .

أسد

حمار فى القفص ..
 شيطانه يوزّه ويعمل أسد
 ويهتف سعادته
 بقيت الملك
 بقيت آه بجد
 وجالى اللي راع
 وجه من سجد
 وناس تستعد
 ييوسوا الأيادي
 وناويين يكونوا دراع مين يهد
 يحبوا المذلة
 بلقمة فى حلة ... يبييعوا البلاد
 وكل اللي جنبه يقول له اصحى
 سعادة الأسد ..
 ولو سلسلوه برضه يفضل أسد
 ولو عاش حياتاه فى ظلم وكبد
 هيفضل أسد ..
 وأما الحمار ..
 ومهما هينصف كبيره الغبار
 يمرغ فى جسمه ..
 وبرضه دا اسمه
 هيفضل سيادته

وبتألم

وبتألم
وماشية طريقي لو ضلّم
ضيا قلبي يكفيني
وهتكلم ..
ولو ضربوني بالمدفع ..
ولا في الكون دا شيء ينفع ..
پسكتني ..
أنا روجي دي نسماية
ولو حكمت هكون راية ..
وهفضل رافعه راسي لفوق
ولا أحنيتها في يوم لجبان
خلاص فاضت بنا الأحزان
ما انا عارفة ..
بان الضلّمة لو طالت
وحتى نجومها لو غابت ..
فـ يوم لازم ..
شعاع الشمس هينور
وهيشور ...
على الأرض اللي كانت بور
هيكسيها دفاه بالنور ..
ويملاها ورود وزهور
أنا يا ناس مانيش خايفة ..

ما انا حالفة ..
 لكسرّ خوفي بوقوفي
 وجبروتي ..
 هيهزم كل من باعوا
 وهارجع ..
 أقوى م الأول
 وهاستحمل ...
 عشان بكره يكون أجمل

وحشتيني

وحشتيني يا ست الكل
 يا ضليلة بورد وفل
 يا كحلة مكحلة عيوننا
 تخلي الكون بيتغنى
 بأشعارك
 يا حلوة يا ساحرة زوّارك
 وحشتيني
 وحشني البسمة ف عيونك
 وحشني النور مالي جبينك
 وحشني توبك الألوان
 مطرز خير كثير وحنان
 وفين أهلك؟
 وفين تاهوا ..
 ف شرابيناك

وعاشقينك....
 وحاميينك... بأرواحهم
 وناس تجري على جرحك
 ويدماهم فدوا دمك
 وشالوا ياما من همك
 وعمره ف يوم ما خاب ظنك
 ف أولادك
 وحسادك.....
 واكلهم غل
 ومن كرهك إيديه تتشل
 عاوزنا نعيش ف قهر وذل
 وقال باعت هدوم بالة
 باعت بطاطين!!
 باعتها لمين؟
 دا كل إخواني رجالة
 يا عم الراعي دا المصري
 راجل واعي راجل أصلي
 راجل لو حتى شح المال
 راجل لو حتى بخته مال
 بيتعدّل...
 وعمره ف يوم ما يتبدل
 وطول عمر التراب ف ايديه
 بيتحول...
 ذهب خالص

oboiikan.com

عنوانی

وبقابلکم.....
 ورافضنی
 وشایفکم...
 وناکریتی
 وراضی نعیش سوا شرکا
 هنا فی وطنی
 ولیه انتم مباعدیتی
 ومش راح اسیبها اوطانی
 ولا راح اطیع لسجانی
 ومش هاسمع اوامرکم
 وتفضل مصر عنوانی
 أنا العامل... أنا البانی
 أنا الدكتور ما نیش جانی
 مانیش حاقد ولا أنانی
 أنا اللی هتیجوا قدامی
 تقولوا تعالی نتصالح
 أوافق....
 ما انتوا إخوانی
 ومصر کبیرة وتساعنا
 بقلب کبیر یجمعنا
 ومین ناوی یضیعنا
 ومین دبّح ف إخواننا

ومين غرق أراضينا
بدم شهيد بيقدينا..
مالهش مكان هنا بيننا
يروح يبعد بعيد عنا
وتفضل مصر عنواننا

برد

يا ليلنا الطويل
 ياساكن قلوبنا بقالك زمن
 لا فجرك بيطلع بلحظة أمل
 ولا شغنا شمسك علينا تطل
 تدفي وريدنا اللي ساكنه الشجن
 وساكنه الجليد
 وساكنه الألم
 وساكن حياتنا وكل الرؤوس
 لقيتك كابوس
 قلوب من حديد
 بتخطف من القلب فرحه البعيد
 بتبدر وتزرع آمالها ف حياتنا
 وناوية تكملها حتى ف مماننا
 وأه يا بدن
 يا ساكنه الوجع
 ومهما اتفجع
 ف كل الأماني
 وكل الخلايق
 يا نسمة يا طيره تنتور تهاني
 وتنتشر دفا
 في حلم اختفى
 وروحي تهيم
 ف وسط النسيم

يصيبها شعاع شمس
تدفي شويه
وتفضل تغني لوردة ندية
تخاف يقطفوها
ماهي وانا
نعيش حاجة واحدة
وتجمعنا وحدة
وبرد وألم

الفهرس

- 5 حرف سَكِينَة
8 أصل
9 علة
11 قَطْع خيوط الشرنقة
12 غريبة
13 فرار
16 وردة
18 هموم
19 نصيحة
21 ليه؟
23 يا رب
24 عزة
25 مصر
26 ماراثون
29 قلبي انقطر
30 وننلم
32 وفرقتنا
34 سكوت
36 شعاع شمس
38 حر
39 شبابيك
41 ورقة وقلم
44 ربك مُطْع للغلبان
47 عميان

48	هتفرج
50	نسب
52	لامؤاخذة
54	تاج
57	أحويا
58	هتفرج
60	ضنا
61	أمان
62	راضيين
64	هنا
65	مواقع؟
66	يا أمه
69	راضى
71	أمانة عليكى
73	بهيه
77	أم
79	منز و نص
81	جريه
84	اسد
86	وبتالم
88	وحشلتنى
91	عنوانى
93	برد
95	الفهرس